

ODLUKA

**O DAVANJU PRETHODNE SAGLASNOSTI ZA KREDITNO ZADUŽENJE
JP ELEKTROPRIVREDA BIH D.D. SARAJEVO KOD IZVOZNO-UVOZNE BANKE
KINE ZA PROJEKAT IZGRADNJE BLOKA 7 – 450 MW TE TUZLA**

Na osnovu člana 37. stav (4) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH”, br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma održanoj 7.3. 2019. godine i na sjednici Doma naroda održanoj 1.4. 2019.godine, d o n i o

ODLUKU

O DAVANJU PRETHODNE SAGLASNOSTI ZA KREDITNO ZADUŽENJE JP ELEKTROPRIVREDA BiH D.D. SARAJEVO KOD IZVOZNO-UVOZNE BANKE KINE ZA PROJEKAT IZGRADNJE BLOKA 7 – 450 MW TE TUZLA

I.

Ovom odlukom daje se prethodna saglasnost za kreditno zaduženje Javnog preduzeća Elektroprivreda Bosne i Hercegovine d.d. Sarajevo (u daljem tekstu: JP Elektroprivreda BiH) kod Izvozno-uvozne banke Kine (u daljem tekstu: CEXIM BANK) za realizaciju Projekta izgradnje Bloka 7 – 450 MW TE Tuzla (u daljem tekstu: Projekat) u iznosu do 613.990.000,00 EUR ili 85% od ukupne vrijednosti Ugovora o inženjeringu, nabavci i izgradnji Bloka 7 – 450 MW u TE Tuzla između JP Elektroprivreda BiH i Konzorcij China Gezhouba Group Company Limited, Peking, Kina (lider) i GEDI - Guandong Electric Power Design Institute, Kina (član Konzorcija), (u daljem tekstu: EPC ugovor) uvećano za kamatu i druge pripadajuće troškove po Sporazumu o kreditnoj liniji između JP Elektroprivreda BiH i CEXIM BANK (u daljem tekstu: Sporazum o kreditnoj liniji), pod sljedećim uslovima:

- iznos kredita:..... 613.990.000,00 EUR
- rok otplate kredita:..... 20 godina
- grace period:.....5 godina (uključen u rok otplate kredita)
- kamatna stopa:..... 6-mjesečni EURO LIBOR + marža 2,3%
- dospjeća:.....polugodišnja, 21.01 i 21.07. svake kalendarske godine
- naknada za neisplaćena i neotkazana raspoloživa sredstva.....0,5 %
- naknada za upravljanje:0,5% na iznos kredita jednokratno.

II.

Sredstva kredita iz tačke I. ove odluke koristit će se za finansiranje Projekta izgradnje Bloka 7 – 450 MW TE Tuzla, a koji je neophodan kao zamjenski kapacitet koji će proizvoditi električnu i toplotnu energiju umjesto postojećih blokova 3, 4 i 5 (500 MW). Za izgradnju Bloka 7 će se koristiti najbolje savremene raspoložive tehnike, koje uključuju sve mjere čišćenja otpadnih gasova: desumporizacija, denitrifikacija, efikasno otprašivanje.

III.

Potvrđuje se da je razmatrana dokumentacija prihvatljiva i to:

- Sporazum o kreditnoj liniji između JP Elektroprivrede BiH i CEXIM BANKE;

- Nacrt Ugovora o garanciji između Federacije BiH i CEXIM BANKE;
- Nacrt Ugovora o izdavanju garancije između Federacije BiH i JP Elektroprivrede BiH.

IV.

Za realizaciju ove odluke zadužuju se Federalno ministarstvo energije, rudarstva i industrije, Federalno ministarstvo finansija i JP Elektroprivreda BiH, svako u okviru svoje nadležnosti.

V.

Ova odluka stupa na snagu narednog dana od dana objavljivanja u „Službenim novinama Federacije BiH”.

PFBiH, broj: 01, 02-02-1482/18
Sarajevo, 1.4.2019. godine

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

mr.sci. Elvir Karajbić

**PREDSJEDAVAJUĆI
DOMA NARODA
PARLAMENTA FEDERACIJE BiH**

Tomislav Martinović